



ՀԱՅՐԵՆԱԴԱՐՁՈՒԹՅԱՆ ՈՒՂԻՈՎ

ՀԱՅԵՐԻ ԺԱՄԱՆՈՒՄԸ ՖՐԱՆՍԻԱՅԻՑ

ԲԱԹՈՒՄԻ, — 29 դեկտեմբերի (ՀՀԳ-ի հատ. թղթ.). — «Պոբեդա» ջերմանավորվող Ֆրանսիայից Բաթումի ժամանեց հայրենիք՝ Սովետական Հայաստան վերադարձող հայերի մի նոր մեծ խումբ: Ընդամենը ժամանել է 2.059 մարդ: Դրանք հիմնականում բանվոր տնայնադուրծներ են: Ժամանածներին Բաթումիի նավահանգստում ցույց տրվեց ջերմ ընդունելություն: Օտարերկրյա հայերին ընդունող Բաթումիի կայանի պետ ընկ. Միրիմանյանը ողջունեց և շնորհավորեց նրանց՝ բարեհաջող կերպով Սովետական Միություն ժամանելու առթիվ: Պատասխան ճառով հանդես եկավ քարավանի ղեկավար Հ. Մարտիրոսյանը:

— Ութ դնելով սովետական հողը, — ասաց նա, — մենք մեր սիրտ, երախտագիտության առաջին խոսքերը ուղղում ենք մեր դարաշրջանի մեծագույն մարդուն՝ Իոսիֆ Վիսսարիոնովիչ Ստալինին, որը մեզ ազատագրեց կապիտալիստական ստրկությունից և դուրս բերեց լուսավոր, բերկրալից ուղի: Տասնյակ տարիներ մենք սպասում էինք հայրենիք վերադառնալուն: Այդ բերկրալից օրը եկավ: Այսուհետև մենք կապրենք աշնպես, ինչպես ապրում են բոլոր սովետական մարդիկ՝ ազատ և երջանիկ ու մեր բոլոր ուժերը կնվիրենք մեր հայրենիքի հետագա բարգավաճման գործին: Թող երկա՛ր տարիներ ապրի և կեցցե՛ մեր սիրելի հայր և ուսուցիչ մեծ Ստալինը:

Հռետորի այս խոսքերը ծածկվում են ուռու բացականչություններով և ծափահարություններով: Հաղարավոր մարդիկ

միասնական մղումով երգում են Հայկական ՍՍՌ պետական հիմնը: Նավահանգստում երկար ժամանակ հնչում են ողջունի բացականչություններ ի պատիվ սովետական կառավարության, բոլշևիկյան պարտիայի, ի պատիվ մեծ Ստալինի:

Ֆրանսիայից ներգաղթած հայերի երկրորդ քարավանի առաջին խումբը հատուկ գնացքով Բաթումիից Երևան ժամանեց հունվարի 8-ին, ժամը 12-ին:

Երևանի կայարանում հայրենադարձներին դիմավորեցին Քաղաքային Սովետի և ներգաղթի կոմիտեի ներկայացուցիչները, ինչպես նաև մեծ թվով բարեկամներ ու ծանոթներ: (ՀՀԳ)

Հունվարի 13-ին հատուկ գնացքով Երևան ժամանեց Ֆրանսիայից իրենց հայրենիք՝ Սովետական Հայաստան վերադարձող հայերի նոր խումբը:

Երևանի կայարանում ժամանածներին դիմավորեցին արտասահմանյան հայերի ընդունման և տեղավորման կոմիտեի, Քաղաքային Սովետի և աշխատանքի ներկայացուցիչները:

Ժամանածներին մեջ կան շատ բանվորներ, արվեստի աշխատողներ և ժողնալիստներ:

Հայրենիք են վերադարձել 152 ընտանիք. սրանցից 39 ընտանիք տեղավորվելու են Բերիայի անվան ուղիղում, 9-ը՝ Քաջաբանում, իսկ մնացածները՝ Երևանում: (ՀՀԳ)

ՄԻ ԽՈՒՄԲ ՀԱՅԵՐԻ ՎԵՐԱԴԱՐՁԸ ԶԻՆԱՍՏԱՆԻՑ

Օրերս Չինաստանից Սովետական Հայաստան են վերադարձել մի խումբ հայեր՝ թվով 16 մարդ: Հայրենադարձներն ունեն տարբեր

մասնագիտություններ ու արհեստներ: Նրանք բոլորն էլ Երևանում տեղավորվում են համապատասխան աշխատանքի:

(ՀՀԳ)

